

MINISTERIO DE FOMENTO

6640 *ORDE FOM/1076/2006, do 29 de marzo, pola que se modifica a Orde FOM/1144/2003, do 28 de abril, pola que se regulan os equipamentos de seguridade, salvamento, contra incendios, navegación e prevención de verteduras por augas sucias, que deben levar a bordo as embarcacións de recreo.* («BOE» 88, do 13-4-2006.)

A Orde FOM/1144/2003, do 28 de abril, determina os equipamentos que deben levar a bordo as embarcacións de recreo en relación coa seguridade marítima e a prevención da contaminación mariña por verteduras de augas sucias.

A experiencia obtida na aplicación desta orde aconsellou introducir certas modificacións no seu contido. Dunha parte, o inciso final do punto 5 do artigo 4, que se refire á categoría de deseño da embarcación, limita en exceso a Administración marítima á hora de emitir un novo certificado de navegabilidade, cos conseguíntes prexuízos potenciais para o usuario. Por esta razón, procedeuse a suprimir o devandito inciso e a cambiar a redacción do referido punto.

Por outra parte, no artigo 13,1,d) establécese que as embarcacións de recreo con menos de 8 metros de eslora deben levar a bordo un remo e dispositivo de boga ou un par de remos. Ao se ter observado que este material é de dubidosa utilidade en embarcacións de máis de 6 metros, límitase a elas tal prescrición.

Por último, as modificacións que se propoñen para o artigo 24 e a táboa resumo traen causa da realidade xurídica internacional vixente.

Por todo iso, procede que a ministra de Fomento realice as citadas modificacións, de conformidade coa habilitación prevista na disposición derradeira primeira do Real decreto 1434/1999, do 10 de setembro, polo cal se establecen os recoñecementos e as inspeccións das embarcacións de recreo para garantir a seguridade da vida humana no mar e se determinan as condicións que deben reunir as entidades colaboradoras de inspección.

Na súa virtude, por proposta do director xeral da Mariña Mercante, dispoño:

Artigo único. *Modificación da Orde FOM/1144/2003, do 28 de abril, pola que se regulan os equipamentos de seguridade, salvamento, contra incendios, navegación e prevención de verteduras por augas sucias, que deben levar a bordo as embarcacións de recreo.*

A Orde FOM/1144/2003, do 28 de abril, queda modificada como segue:

Un. O punto 5 do artigo 4 queda redactado do seguinte modo:

«No momento da renovación do certificado de navegabilidade, a autoridade marítima manterá a zona de navegación, equivalente en distancia á que tiña a embarcación, sempre que fose verificado por unha entidade colaboradora de inspección de embarcacións de recreo que o equipamento de seguridade da embarcación está de acordo co exixido pola presente orde para a citada zona de navegación.»

Dous. A letra d) do punto 1 do artigo 13 queda redactada do seguinte modo:

«d) Un remo de lonxitude suficiente e dispositivo de boga, ou un par de remos para embarcacións de eslora inferior a 6 metros.»

Tres. As letras a) e b) do punto 2 do artigo 24 quedan redactadas do seguinte modo:

«a) que a embarcación efectúe a descarga a unha distancia superior a 3 millas mariñas da terra máis próxima se as augas sucias foron previamente esmiazadas e desinfectadas mediante un sistema que cumpra as condicións establecidas no punto 5, ou a distancia maior que 12 millas mariñas se non foron previamente esmiazadas nin desinfectadas. As augas sucias que estivesen almacenadas nos tanques de retención non se descargarán instantaneamente, senón a un réxime moderado, encontrándose a embarcación en ruta navegando a velocidade non menor que 4 nós;

b) que a embarcación efectúe a descarga en augas distintas das sinaladas no punto 1 deste artigo, utilizando unha instalación a bordo para o tratamento das augas sucias que cumpra as prescricións do punto 6, e que, ademais, o efluente non produza sólidos flotantes visibles nin ocasionese decoloración nas augas circundantes;»

Catro. A columna «zona» da táboa resumo do punto 4 do artigo 24 queda modificada do seguinte modo:

Na fila segunda: onde di «Ata 4 millas»; debe dicir: «Ata 3 millas».

Na fila terceira: onde di: «Desde 4 millas ata 12 millas»; debe dicir: «Desde 3 millas ata 12 millas».

Disposición derradeira única. *Entrada en vigor.*

A presente orde entrará en vigor o día seguinte ao da súa publicación no Boletín Oficial del Estado.

Madrid, 29 de marzo de 2006.

ÁLVAREZ ARZA

MINISTERIO DE INDUSTRIA, TURISMO E COMERCIO

6641 *ORDE ITC/1077/2006, do 6 de abril, pola que se establece o procedemento que se debe seguir nas instalacións colectivas de recepción de televisión no proceso da súa adecuación para a recepción da televisión dixital terrestre e se modifican determinados aspectos administrativos e técnicos das infraestruturas comúns de telecomunicación no interior dos edificios.* («BOE» 88, do 13-4-2006.)

En maio de 2003 publicouse no Boletín Oficial del Estado a nova normativa que desenvolve o Real decreto lei 1/1998, do 27 de febreiro, sobre infraestruturas comúns nos edificios para o acceso aos servizos de telecomunicación, composta polo Real decreto 401/2003, do 4 de abril, polo que se aproba o Regulamento regulador das infraestruturas comúns de telecomunicacións para o acceso aos servizos de telecomunicación no interior dos edificios e da actividade de instalación de equipamentos e sistemas de telecomunicacións, e pola Orde CTE/1296/2003, do 14 de maio, pola que se desenvolve o Regulamento regulador das infraestruturas comúns de telecomunicacións para o acceso aos servizos de telecomunicación no interior dos edificios e a actividade de instalación de equipa-